



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მინდა ციხე

მინდა ციხე, შუა საუკუნეების ციხესიმაგრე დასავლეთ საქართველოში. მდებარეობს ამბროლაურის მუნიციპ-ში, სოფ. წესის მახლობლად, მდ. რიონისა და ლუხუნის შესართავთან, მაღალ კლდოვან კონცხზე. ეკუთვნოდა რაჭის ერისთავებს. ვახუშტი ბაგრატიონის თანახმად: „ამ ლუხუნის აღმოსავლით კიდის მაღალს კლდის გორასა ზედა და რიონის ჩდილოთ არს ციხე მინდა, მაგარი და აუღებელი მტრისაგან“. ციხე ნაგებია ნატეხი და რიყის ქვის შერეული წყობით კირის დუღაბზე. ამჟამად ძლიერ დაზიანებულია. ციხის ნაგებობებიდან შემორჩენილია გალავნისა და სამი კოშკის ნანჩილები; მათგან ერთი ცილინდრულია, ხოლო ორი – ოთხკუთხა. წყაროებში პირველად იხსენიება XVII ს-ში. აკონტროლებდა დას. საქართვე. მნიშვნელოვანი სავაჭრო ცენტრის – ონისკენ მიმავალ გზას.

წყარო: ვ ა ხ უ შ ტ ი , აღწერა სამეფოსა საქართველოსა, წგ.: ქართლის ცხოვრება, ს. ყაუხჩიშვილის გამოც., ტ. 4, თბ., 1973.

ლიტ.: ბ ო ჭ ო რ ი ძ ე გ., რაჭა-ლეჩხუმის ისტორიული ძეგლები და სიძველეები, თბ., 1994.
